

寶坻縣志卷之八

唐

李

益

大曆進士官禮部尚書

秦城柳烟


惆悵秦城送獨歸
薊門烟樹遠依依
秋來莫射南飛鴈
縱遣乘春更北飛

明

莊

禪

東寺曉鐘



鎔金出冶範初成隱隱華鯨動地鳴百鍊既精
宜大扣一圓無釁有清聲驚回客夢家千里落
遍霜花月五更爲勒新銘振新德誰當洗耳日
醒醒

北潭秋月

汎泉滾滾有源頭直注迴塘入海流萬古青天
常對鏡四時明月獨宜秋水晶廉捲微風動琥
珀盤空夕照收歌罷濯纓清思逸滿襟涼露正
颼颼

夏霧銀鮮

夏霧東頭海有神銀魚霜後貢時新大庖止可
供多品薄物何由等八珍不惜微膏終潤鑊獨
憐瘠骨重勞民年年數畧滂池下一尾知償幾
百緡

晴樓碧障

天開形勝帝王都萬里青山豁壯圖滄海東來
紅日近泰行西去白雲孤三關扼險鳴宵柝九
夏爲霖活旱枯一度凭欄一回首彤庭何日掃

秦蕪

蘆臺玉沙

蘆臺極目際平沙利博誰憐害亦賒土面刮來
淋玉液熬頭沸盡結銀花十年預借償逋負尺
地堪耕屬勢家安得調羹知此味免教流殍到
天涯

秦城柳烟

何代英雄事已磨尚遺廢壘枕荒坡幾回隔隴
聞樵唱猶似當年奏凱歌漠漠淡烟秋色老蕭

蕭落水雨聲多行人不必重回首渭水咸陽事
若何

拱都池蓮

公暇觀蓮豁倦懷倦懷那更重徘徊青山對面
只如畫流水遶欄空潑醅今日根株親手植他
年花萼爲誰開清芬不染真君子千古濂溪獨
品裁

石幢金頂

古今致至歎危哉此石何年巧琢裁惟有鐵心

中貫徹不妨風雨外顛顏一輪耀日黃金頂百
尺擎天白玉臺若向中流爲砥柱汪瀾萬激亦
東迴

范兆祥

順天府通判

東寺曉鐘

樵鐘鳴了寺鐘鳴緩送東風度禁城爲我同年
曾駐節夜聞更鼓甚分明

北潭秋月

天津舸艦夜來停送盡山泉落海聲笳鼓不鳴

霜杵歇一輪涼月素波澄

夏霧銀鮮

潮河吞吐海濤迴宮殿黃旗壓境開絃頌喧啾
無犬吠却驚中使打魚來

蘆臺玉沙

海涯炊子幾家存醴法年來亦病民作俑人歸
何處去玉沙猶自蕩江濱

秦城烟柳

自耕自牧自蘇樵烟樹荒城落日遙劫火紅來

知幾度只憑碑塔說前朝

石幢金頂

黃金爲頂石爲幢
玉柱稜層鎮下方
只有渠城莊令尹
誓盟一樣鐵心腸

高德

歇馬臺

何人此處築層臺
云是章宗駐馬來
有興登臨追往事
無才題味遣心懷
饑烏野雀飛閒晝
斷礎殘磚瑣綠苔
惆悵臺空人逝矣
西風斜月首

頻回

廢朝霞寺

西風匹馬偶經過一望凄然感慨多惟有斷碑
橫宿草不聞清磬出烟蘿閒雲老衲人何在落
日空林鳥自歌滿眼興亡無處問何如野外但
被簑

楊

亘

順天府通判

登寶坻新城

清風隨馬靜塵沙同上高城日未斜遲我望洋

還攬勝許誰憂國欲忘家
麗譙突兀凌飛鳥雉
堞參差隱亂鴉應有與人歌
惠愛漫勞詩句表
才華

李廷義 順天府通判

登寶坻新城

颯颯西風吹敝裘
寶坻城上偶閒遊
摩挲老眼
三千里歎息豐功數百秋
地擁銅關上北拱
海橫羅帶水東流
於今宵析閑敲月滿地
牛羊夜不收

魏

驥

吏部左侍郎

巡行至寶坻

聲教熙熙近冕旒
喬林幽墅接良疇
富貧歷世人無訟
肥瘠長年地有秋
禾黍牛羊真樂土
衣冠弦誦異遐陬
老安少遂三千室
不數神僊住
十洲

劉天爵

拱都池蓮

每愛西湖湖上蓮
移來渠水培增妍
中通自喜

亭亭直外實真能顥顥圓素練波澄秋雨靜紅
衣機濯錦江鮮使官種得香名在留與斯民久
遠傳

芮謙

晴樓碧障

飛樓面面倚天開眼底羣峯亦壯哉風歛雲霞
歸洞去山排青翠逼人來地生險固威三面天
作金湯冠九垓欲賦胸中憂樂志倚欄愧乏仲
淹才

任紹宗

龍潭

去去東城五里餘
碧潭深處有龍居
方春烟雨波光濯
落日腥風雲氣噓
自許爲霖蘇兆庶
肯同黠額作凡魚
臨淵仰止情何已
隨逐無由幾歎吁

牛魯

水滂

渠陽積霰雨驟迅
夜決川流水吾城
東遂令民

無年移家宿巢木賣產捕魚船誰上憫災疏排
闔號旻天

朝霞晚照

寺枕河流蕩樣灣忘機終日伴鷗閒上方臺殿
諸天近曠野烟光四壁環應候春聲鶯自薦倦
飛風細鳥知還壺觴此際方堪賞又見金烏墮
遠山

嘉靖十年大水

彩鷁含風拂練川浴鳧飛鷺遠浮天薊門烟雨

湘江景茗火漁簑共一船

苑時葵

築堤行

北來萬馬奔燕然貫峽入壠落平川商羊一夕
頻飛舞隱隱雷轟堰堤穿拍岸掀天巨浪湧漂
禾沉廬良可憐年年每恨滄沱作河工須在農
工前布穀有聲種方播官司檄票星火傳按畝
分區各應役鋤畚如雲土堆填東比延袤功何
難日夜催督受笞鞭束腹趨事猶恐遲日暴髮

膚塗泥埏亭午尚未饁餉至子在方能代父還
一里堤費幾百工百工約費幾十千雞驚犬吠
家不寧巨室窮簷敢賄賄君不見賈瀛州滹沱
常爲閭里憂鳩工立堰遏洪波千百年無巢窟
愁又不見謝安石千古風流脫洒客一朝堤向
新城立底今埭名稱召伯蚩蚩樂逸偏惡勞難
與慮始可樂成但使秋成免昏墊敢言當年艱
苦情

夏霧銀鮮和韻

苞茅珍重擬羞神作始銀鮮誰薦新大燾幾聞
騷驛吏織鱗何爾治庖人轉圜千載逢明主扶
杖一方甦困民聞說漁翁今晒網陽侯應惜世
間緝

蘆臺玉沙和韻

茫茫巨壑蕩平沙飛輓誰經帑計賒破壘燒殘
炊竈火荒池漉盡水晶花敢辭土賦供軍國無
奈商飜散戶家悵望明光誰草奏長安咫尺卽
天涯

坻邑以澤國稱十歲中四五多水以衆水所匯
入海也漂沒之苦幾經兩月餘

憫潦

鼓棹中流帶夕暉不堪回首淚沾衣古堤水嚙
桑田變敗屋人逃烟火稀入夜鼃鼃噴浪立趨
風鷗鷺戲波飛子遺幾戶生涯窘忍把饔飧問
釣磯

其二

誰挽銀河倒地傾碧波千頃月爭明風吹巨浪

沙洲沒日落孤帆野艇橫長霤泔泔清淚點急
湍咽咽暗愁聲簡書使者紛如織好疏蠲租活
衆生

鐘英

題寶祥閣內有了凡袁公所貯藏經

流覽經文感歲駿留傳特地待知音山中秘寶
憑誰薦衣裡明珠在已尋謾把陳言爲實際須
將空劫惜分陰塵銷覺淨成佛道不負當年普
度心

劉邦謨

題寶祥閣

層樓獨眺意如何杯酒相看感慨多
春入諸天猶黯淡風生雙樹自婆娑
憑虛誰是青雲客對景空成白雪歌
側望長征應遣戍可憐依舊枕寒戈

關帝廟

松殿高盤渠水流當年烈烈許安劉
桃林寧結墳簾雅鼎足同懷社稷憂
義重君臣懸日月學

深今古况春秋逢時定是伊周侶漢命其如不可留

薛之垣

題寶祥閣

蘭香種去在心田十二圓明好結緣一日爐烟
由我續萬年燈火有人傳奇花滿抖驚花墮靈
鳥穿櫺喜鳥還凡境構成清淨境蒲團夜坐五
更天

其二

盈虛消息閣中懸
人世榮華只眼前
三殿靈碑堪玩古
千函秘藏總忘筌
聲來鐵馬非馳驟
光吐金龍自蜿蜒
散步登臨披淨舍
沉沉鐘鼓老僧眠

關帝廟和韻

灑氣乾坤晝夜流
結來大義誓扶劉
排吳只講高皇業
距魏全同先主憂
一點丹心揭日月
數行青史有春秋
英靈千載憑何顯
松柏森森古殿留

國朝

杜立德

八景詩并說

坻邑舊列八景范莊諸公俱有題咏如朝霞晚
照又去舊志所存而新增他蹟然而景以盛名
一方大紀坻東顯有大海寰輿可通不特爲地
方偉觀乃

朝廷封域大綱維天地大形勝也層瀾疊澥包納
宇宙吞吐百谷瞬息萬狀景孰大於此又孰最

於此舍此不名他何多遜故增冠其首以創奇
觀

又縣中峙有西寺結構崇工殿內記事豎有石
碑精光瑩奕而序文淹雅文以碑傳碑因文秀
秦碑漢碣古重貞珉岫嶸山藏千秋增慕豈巍
梵靈璋不及東寺之鐘石幢之頂者乎雖石幢
之景巧琢不羣兵燹炬後僅存餘礪望之無色
又何景居故易此而入文燦靈碑以石光晶麗
文字敷英以文傳以碑傳耳乃古今盛蹟故列

新刻

坻濱海海有長河出海北上逶迤數百里環坻封而直抵漁陽之麓初發海也岸濶里許深數丈至上層層進之有濶一二百步者七八十步數十步者漸高漸狹灣曲數十蜿蜒如龍自塘兒海口歷蘆臺軍至梁城所乃明設衛所守禦地也灣瀾更倍早有潮晚有汐古云海潮者地之喘息也應月而從其類夫日必兩盈子後陽升而潮生午後陰升而汐至應月之信斯須不

爽况盤漩轉渦激湍急瀨瞬息達山而止其景
與天地同久何觀如之故列新刻

縣城西有接廓而寺名者朝霞是已寺昔圯今
復修偶當夕陽落照時霞光忽暎寺中雖變現
不常而晚照之槩昭昭古本如北潭秋月者然
夫景之可傳傳以奇耳使不有神物以憑於其
中何灼光依依至是也况郊西來往

神京官紳陞遷每每設祖以餞於此靈異之氣縹
緲城隅較之秦城存矣烟柳何觀古志之今失

之不軒輕眎乎遵古爲是故仍例新刻

坻志尚有景者二晴樓碧障拱都池蓮人稱曠
然不知何邑無城何城無樓樓以景名景亦繁
矣池蓮拱都拱乃瑣細故與石幢金頂而並去
之一以殘磊一以熟見一以微物非敢妄爲增
刪書著

朝籍昧大見小胡以因時損益也云

坻澤區也地匝海饒魚鱸其水族踞盛海錯盈
眸銀鮮雖冬出而質白如玉味勝他味不過魚

產之一者耳可以物之美記豈可景之最言况
夫陽羨魚茶古人戒之寧爲百姓重日用而勿
爲飲食齒珍鮮也今不載入

海天東勝

濛濛層烟上野衡百谷從地天一氣接遐邇共
朝宗萬仞銀山湧千霞曉日衝神京左輔壯清
晏慶提封

秦城烟柳

古壘傳秦築荒烟閱柳疎雨濛春曉後雲映綠

疇初征海留蹕蹕營城駐旄旗當年不可問長
嘯過巾車

東寺曉鐘

刹小藏龍象聲聞四境奢蒲鯨鳴五夜清省徧
千家法象塵囂近宏音海渡遐萬緣何處識朝
夕點紛華

北潭秋月

尾閭一派轉萬滙碧潭成月上潮相應秋新沼
更清蚌珠浮岸耀漁火蕩波明幾想翛然意令

人爽愈生

長河潮汐

源頭澎湃來何處
上下千谿幾刻通
子午濤橫天地濶
陰陽氣滿古今雄
盤紆宛委隨龍颺
海溼山嵐助化工
大信孚人朝夕爽
盈科更見溥漩功

朝霞晚照

西郊紺宇接城闈
天半朱霞睇未真
萬朶紅雲方罩地
千尋絳練又浮塵
依稀疑是珠光合
變

現忽呈世瑞新送客勞勞亭上過盈眸旺氣藹
重茵

蘆臺玉沙

煮海從來鹺法彰今憑晒水作鹽良區盈流澥
銀星湧滷結春曦玉屑光當世調羹周萬應何
年專利據豪商膏腴去後爭如竈潤下鹹成賴
地長

文燦靈碑

何年淨業聳華碑名勝崆峒歲月垂最屢千秋

隆梵刹靈光覲面照鬚眉
文專翰藻輝琳永磐
映坻封纈秀奇不是晶英
傳世重誰爲翻舊綴
新詩

夏日同毘陵惲道生楚黃蔡千之汝南郭

磐石師于篤培表兄登坻城

文昌閣上眺望濶然小集分韻十首今錄其

二

旺氣蒼茫壯帝京
凌雲曉閣集寰英
榻傳折節矜徐孺
醴馥名賢重穆生
望裏翠微新霽後
閒

來題和夕陽橫吳歛聲藹高軒靜奕奕南薰話
客秤

長松拂閣影扶蘇仰顧何如偉丈夫世事風移
前後迴文章名遜古今殊襲高每識豐年玉諧
俗端須照乘珠煑茗坐來清兩腋畫梁彩燕已
新籬

坻稱澤區動多水患頻年無秋順治十一年香
河要兒渡口決河伯肆虐全坻爲壑民不堪命
矣

上發內帑銀叁拾萬通賑八府是年予分賑大名一
郡丙申水

恩再賑戊戌近 畿水其圜佔州縣又賑白東谷
同年友也由學士秩大司寇奉

命賑里中以詩寄予猶記原韻并和俚言用是志之
一以彰

朝廷敷澤之仁亦以表高人之跡也兼記時事以
示來茲

海雲何處接遙望色蒼茫今日過城市當年說

樂鄉溪橫趨自渡白小拾堪嘗直道渠梁在高

行誦一方

原韻

紫氣畿浮早星輶烟水茫忽聞君子履遙過故人鄉海物空云錯民風已備嘗金錢馳上帑溥

惠自多方

和韻

歐陽動生

秦城烟柳

秦城古戰地軍馬出平田駐驛來龍駕旌旗耀日邊郊原非故土古木變新芊訪舊弔遺蹟長

墩一線弦

北潭秋月

陰晴渾節序灑氣獨宜秋
葉落霜林響潭清錦浪幽
風隨烟靄散月向水中收
潮汐頻來往光澄此際優

苑育蕃

海天東勝

海在縣治東南波光奔沸接天無際誠鉅觀也

東南浩瀚永無窮萬壑奔來如注空但覺看從
雲霧裏不知身在有無中接天青氣新秋色遠

岸驚濤異域風爲問高山垂釣者茫茫何處是

晶宮

秦城烟柳

唐太宗東征時所築秦城云者以太宗曾爲秦王故也

相傳獨有一燕臺爲問秦城何處來鐵騎已同
流水去叢林猶向夕陽開陰陰空靄朝還暮漠
漠輕雲往復回憑弔千秋誰作賦於今還憶子
雲才

東寺曉鐘

傳云自東海浮來

無射當年鑄已成如何獨異此鐘聲相傳浮海

來千里誰遣平明報五更于闐空留他日響景
 陽已罷一時鳴上方曙色迎朝起遠聽樓中似
 有情

北潭秋月

卽縣東北潮河之水涯也及秋
 月光湛徹上下無翳時以爲有

憑於其
 中云

碧澤生寒夜欲霜月明於此最蒼涼光依水上
 秋容白影泛蘆邊逸興長八月浮槎看有路幾
 年向若自多方潮來潮去澄清地留得遺踪野
 渡旁

長河潮汝

卽潮河也早
日潮夕日汝

海際長河來去流千年漾漾不曾休
朝翻初日光纔至夕湧斜陽影又浮
曲折仍歸冥渤裏透迤直到薊門秋
此間有路通霄漢安得浮槎到上頭

朝霞晚照

朝霞寺名每日光西下返照薰
然一時傳以爲異久而荒廢矣

日落山明夕照開石林一半影徘徊
回光何自端倪見古刹偏能感召來
初意如遊飛錫地不期真到雨花臺
千年遺跡猶堪賞何故荒原長

綠苔

蘆臺玉砂

玉砂鹽也以其色如玉然故云是詩但道實蹟為民失利也

煮鹽日向海之濱及至鹽成利不均拮据徒勞
是作者艱難淡食又何人在於當日租無算誰
識今茲民益貧安得羨調皆有賴猶然吾土自
相親

文燦靈碑

碑在佛殿內石肌瑩潔可鑑鬚眉俗云透靈碑也

為憐奇蹟訪西東石碣瑩瑩古殿中無物經過
光自在入看彷彿影俱同可當近接冰壺映何

異西來貝葉空幾至千年猶不改居然此地一
崆峒

題文昌閣

步向閣中倚杖藜無邊景物色淒淒
邀大野山連外檻俯平河寺又西
雲樹千鄉瞻舊里窮愁孤况歎
卑棲我來又度三春月此會登臨意
更迷

苑瀛珮

海天東勝

以下八首和杜大學士前韻

極目杳無際
茫茫顥氣從三山
疑幾點百谷信
同宗日出丹霞爛
風來雪浪衝懷柔
逢

盛代夙昔有崇封

秦城烟柳

何代餘荒堞相依幾樹疎
風輕新霽後烟靄夕
陽初牧笛疑吹角翹薪恍建旗
悠悠傷往事行
邁屢停車

東寺曉鐘

浮海來無射傳聞日已奢
洪音宣梵宇清夜散

人家片月高城迥輕霜北鴈選幾回醒幻夢無
計謝繁華

北潭秋月

曲曲通源遠澄潭此處成潮生當月午岸濶正
秋清漁笛驚鷗起蘆花映水明寒宵舟汎汎聊
以慰平生

長河潮汐

長河浩浩終今古百折千波一氣通月上潮平
浮影濶風迴汐落捲濤雄海牽白練如裁曳山

映青螺逼畫工幾度烟波惆悵望乃知大造屬
神功

朝霞晚照

斜楊尋勝出城闈西望招提覓路真天布晴霞
紛異彩光函古殿絕囂塵方疑座上尼珠現復
覩簷前花雨新樹杪鴉喧催去晚餘暉猶自照
車茵

蘆臺玉砂

漉海爲鹽事久彰古人遺法信稱良春看水國

文昌閣

城隅峙丹閣曠渺俯清池斷續危橋路參差遠
樹枝朱蓮浮水面綠葉衍坡陂坐久空音發停
橈在北澗